

Di acuerdo cu Franz Sydow

Desaroyadornan di Isla di Oro, kier traha hunto cu e NGO-nan

Pa logra un proyecto unico hasta den Caribe loke ta Eco-Turismo

E desaroyadornan di e proyecto na Isla di Oro, den persona di Franz Sydow, un persona cu tin mas di 20 aña ta biba na Aruba a duna un presentacion diahuebs ultimo, mas bien tabata pa anuncia un poco e resultadonan ambiental cu e grupo a logra atraves di tempo, preparando e campo pa realmente desaroya un concepto berdadero Eco-Turismo.

Pa por logra e blend aki entre naturalesa y turismo sostenible, ta importante realisa estudio, tin hecho pasobra naturalesa, ta naturalesa bibo. E ora mester sa con pa studi'e pa por conbibi cun'e. E ora e idea di e presentacion, tabata tin hopi preocupacion di parti di e NGO's riba e tema ambiental. Loke e grupo aki tabata kier pa duna resultadonan ambiental pa nan por participa y duna nan feedback n'e grupo di experto cu e grupo tin, no solamente cu tin na Aruba, pero tambe internacionalmente cu a apoya e proyecto na un manera sostenibel y responsabel.

Loke Franz Sydow ta lamenta cu no por a mira ningun di e hendenan di NGO cu realmente tabata esnan cu nan tabata spera cu tabata mas preocupa pa naturalesa. E grupo ta hopi responsabel den e sentido y nan ta lamenta cu nan no tabatey. Sydow a sigui splica cu e operador Zoetry, cu ta un operador exclusivo cu yama Wellness: The Art of Living, cu ta operador di turismo responsabel y di un niche hopi exclusivo.

Ta existi tipo di hotelnan asina na Asia, ta existi na Bora Bora, den e islanan Polynesio. No ta conceptonan nobo, pero si nobo pa Caribe, pero no pa mundo.

Ya ecoturismo y e combinacion di turismo responsabel ta existi y awor ta turno pa tin den Caribe na Aruba e grupo kier pa tin'e prome.

Franz Sydow tin 20 aña riba e isla y e ta representa un grupo cu yama Grupo Isla y a haci desaroyonan residencial, a construi ya dos condominium y esaki lo bay ta nan di prome hotel na Aruba.

Ta 4 aña nan a dedica na desaroya e proyecto cu Isla di Oro, sperando riba aprobacion di

Gobierno. Aki ta trata di un inversion di mas di 50 miyon di dolar. Y lo haci e proyecto aki den 18 luna.

Lo no mishi cu e mangrovennan si esey ta preocupacion di e NGO-nan. Actualmente mes tin hopi di e mangrovennan aki cu ta muriendo, y e desaroyadornan kier traha wak con por scapa algun di nan ainda.

Esey t'e meta di e presentacion. Pesey ta di lamenta cu varios di e NGO-nan no a duna acto di presencia. Pasobra e meta lo ta pa sinta cu nan na mesa, pa hunto traha pa un mihor desaroyo di e proyecto aki, cu lo pone Aruba riba mapa mundial cu tin un hotel eco-turismo friendly.

Greg Peterson di Aruba Birdlife Conservation, ta un di e personanan cu no a presenta ne e presentacion aki, pasobra manera el a bisa, di ta sufrí un quebrante di salud.

Pero den mesun rosea a laga sa cu nan di ABC definitivamente no ta sostene e proyecto hotelero na Isla di Oro. Den principio a 'sostene' e idea aki, pero mirando e desaroyador-

nan cu a sigui sin consulta, a pone cu ABC enberdad a 'hala atras' y awor no ta sostene e proyecto mas.

Sigur awor cu tin 11 mil firma cu ta sostene e idea pa no desaroya nada asina den 16 area specifico, incluyendo Isla di Oro.

Segun Greg Peterson, e grupo di Franz Sydow no ta serio y no ta di confia. Nan ta manipula y pesey nan a perde tur confianza cu nan por tabatin den e grupo aki.

